

Q. D. B. V.

DISSERTATIO PHYSICA

DE

FERRO MIRACU-
LOSE NATANTE

Ad locum Scripturae Sacrae

II. Regum cap. VI. v. 1 - 7.

Quam


Divina adspirante gratia

In inclyta Argentoratensium Academia

PRÆSIDE

DN. JOH. BOECLERO,

Med. & Philos. Doct. Phys. Prof. P. O.

d.  Mensis Januarij M DCC XVI.

In SOLENNI Eruditorum Congressu

pro viribus defendet

h. lq; f.

JOHANNES FRIDERICUS LENTZ,

Arg. Auth. & Resp.



ARGENTORATI,

Typis JOHANNIS BECKII

ILLUSTRI
COLLEGIO
DOMINORUM
PRÆFECTORUM
LIBERALITATIS
SCHENCKBECHERIANÆ.

VIRIS
MAGNIFICENTIA MERITORUM, NO-
BILITATE GENERIS, MUNERUM AMPLITUDI-
NE, MAXIME REVERENDA DIGNITATE, CON-
SULENDI DEXTERITATE, EXPERIENTIA ME-
DENDI, RERUMQUE GERENDARUM PRU-
DENTIA, SPLENDIDISSIMIS;

DNN. PATRONIS, ME-
CÆNATIBUS ET EVERGETIS
SUIS MAXIMIS

Omni pietatis cultu æternum colendis

Hasce studiorum primitias

sacras esse voluit

TANTORUM NOMINUM

devotissimus cultor

Joh. Frid. Lentz, Arg.



PRÆFATIO PRÆSIDIS.

PRæter ordinaria, quæ in toto observantur Orbe, miracula, extraordinaria etiam quandoque contingere nemo inficias ire potest, qui vel fugitivo sacras literas lustraverit oculo. Sicuti autem in priorum causas naturales inquirere, non solum licitum, sed & utile quam maximè est, ita non video, quomodo excusari queat protervia illorum, qui etiam extraordinaria illa, quorum sacer Codex mentionem facit, contingentia ludibrio

dibrio quasi habentes , omnia ex causis mere
 physicis deducere conantur. Ego certè non
 comprehendo, quì fiat, quod miseri homines,
 quibus Deum ejusque existentiam , potentiam
 sapientiam &c. infinitam ex operibus infallibi-
 liter cognoscere, imò ipsis oculis videre & mani-
 bus quasi palpare datum, eidem potentissimo Nu-
 mini in producendis, omnem hominum captum
 omnesque rationes naturales excedentibus pro-
 digiis, facultatem denegare audeant. Sana ma-
 gis sed & magis justa mente circa prodigia Bi-
 blica philosophatur Dissertationis hujus Author,
 haud iniquo prosequens odio illos, qui ex impio
 pruritu de fide miraculorum impiè judicant.
 Quamobrem ferrum miraculosè natans physicè
 examinandum sibi sumpsit, declaraturus in cas-
 sum laborare illos , qui ex rationibus naturali-
 bus hoc ipsum provenisse opinantur. Quum
 in tractatione materiæ & conquirendis , quæ
 huc spectant , rebus necessariis non adeò malè
 fuerit versatus , nullum quoque dubium est ,
 quin optimæ spei juvenis, dotibus ingenii , di-
 ligentia bonisque moribus jam commendatus,
 in defendendo hoc suo labore officio suo lauda-
 biliter defuncturus sit.

PROOE-

PRO O E M I U M.

Differtationem aliquam conscripturus facile quidem id apud animum meum constitui, materiam ejus ex Philosophiæ penu defumendam esse, cum, quid in illo præsertim studio humeri mei valeant, specimen aliquo disputatorio comprobandum mihi sit. Cum vero ob insignem, quem singulæ illius partes præ se ferunt utilitatis cumulum, delectus non admodum facilis esset, in qua præcipuè illius parte ingenii tentarem vires, diu anceps hærebam. In eam tandem concessi sententiam, me operam forte non luserum, si ex nobilissima illa philosophiæ parte, Physica nimirum, cujus insignis, nec unquam satis enarrabilis in omnibus solidæ eruditionis partibus est utilitas, materiam quandam seligerem. Cum vero manifestò pateat, ac ipso sole clarius dispalescat, eandem præprimis in foro Theologico haud contemnendum habere usum, mihi si DEUS volet, aliquando Theologo, haud disconveniens putavi fore, si ex Sacris Literis, quippe quæ haud pauca dissertationum physicarum offerunt argumenta, materiam quandam depromerem.

Præ aliis autem mihi ad præsens

institutum placuit materia de ferro miraculose natante ad locum Scripturæ S. II. Regum cap. VI. v. 1-7. Faxit DEUS O. M. ut feliciter! Si non effectus, conatus saltem in laude apud B. L. positus erit.

§. I.

DE circumstantiis ferri miraculose natantis ut B. L. eò promptius judicare liceat, præmittere omninò necessum duximus verba Scripturæ S. miraculum illud exponentis. Proponuntur autem illa II Regum cap. VI. v. 1-7. juxta versionem præsertim Schmidianam. Porro dixerunt filii Prophetarum ad Elisam; Ecce, quæso, locus ubi nos habitantes (sumus) coram te, angustus (est) præ nobis. Eamus, quæso, ad Jordanem, & sumamus inde Vir trabem unam; ut faciamus nobis ibi locum ad habitandum ibi. Qui dixit abite. Sed dixit unus, consenti, quæso, & abi cum servis tuis; qui dixit; Ego abibo. Ivit itaque cum illis; veneruntque ad Jordanem, & exciderunt ligna. Cum autem esset unus dejiciens trabem, & cum securis (ferrum securis) cecidisset in aquas, clamavit, dixitque: Ah Domine mi! eademque commodata (est). Tum dixit Vir Dei; quo cecidit? Ostendit ergo ei locum. Qui abscidit lignum, & projecit eo: tum natavit ferrum. Dixit itaque; tolle tibi: qui emisit manum suam, ac sumsit illud. Quo ex loco ferri inprimis natantis examen institueremus animus est, inquirereque an istud ex causis naturalibus provenerit, uti quidam parum memores verborum Taciti, sanctius esse ac reverentius de actis Deorum credere, quam scire dicentis, miracula Biblica ex rationibus physicis deducere conantur; an vero, quod verius est, miraculum subsit?

§. II.

§. II.

AD exactiorem autem hujus miraculi indagacionem, brevem de natatu corporum tractationem instituere juvabit, & cum eidem lucem sceneretur doctrina de gravitate, hanc illi pramittere haud erit inutile. Plenius quidem de ea agere prolixum nimis hic foret, & procul ab instituto remotum, siquidem in vastis Physicorum operibus permultas adimplet paginas: ne tamen res penitus intacta pratermittatur, saltem unde corporum gravitas dependeat, contractiori obiter penicillo, delineare licebit. Ante omnia vero distinguendum est inter gravitatem absolutam atque respectivam: illa dependet à particularum elementarium aptitudine illa passiva recipiendorum ictuum vel impulsuum, undecunque etiam impulsus aliquis aut pressio ipsi obvenerit: hæc vero, respectiva nimirum, qua fortius unum quam alterum depellitur, non aliud habet principium, quam elementarium particularum majorem in uno copiam, sub æquali ambitu, minorem in altero; unde fit, ut illud plures excipere principii pellentis ictus, hoc nonnisi pauciores possit: eodem nempe modo, ut ait Sturmius in phys. hyp. select. p. m. 317. quo duorum orbiculorum ligneorum, ex eodem affere, eadem amplitudine resectorum, juxta se invicem eadem altitudine suspensorum, & æquali lancearum numero petitorum, alter plane solidus, nullisque foraminibus pertusus, ideòque omnium lancearum ictus in se recipiens, fortius multò propulsatur altero plurium lancearum ictus foraminum suorum patulis vacuitatibus frustrante, nec nisi reliquos in foraminum interstitia destinatos excipiente.

§ III.

VNde haud levis conjiciendi ansa offertur, à densitate haud parum corporum dependere gravitatem, qua multum

tum materiæ homogeneæ sensibilis sub exigua continetur mole, interstitiis interceptis valde exiguis, uti sunt e. g. metalla, quorum particulæ componentes, facto concursu angustos quosdam meatus subeunt; uti sunt lapides &c. Quo compactiora enim atque crassiora sunt corpora, eo existimantur esse graviora. Cum enim sub æquali magnitudine corpora compactiora plures materiæ homogeneæ partes contineant, quam quidem laxiora atque porosiora, necessario sequitur aeris tum crassioris, tum imprimis etiam subtilioris vim activam atque pondus tanto magis deprime-
re illa quanto plures in ipsis offendit partes passivas, illam detrusione atque pressionem excipientes: Siquidem materia cœlestis, ut & aer in illa agit sui mole æquali ipsis seu partibus ea constituentibus; cui accedit, quod premens causa nullam in corporibus densis resistantiam sufficientem, ob denegatum ingressum similis materiæ æthereæ vel aëreæ adinveniens, eo majori quoque vi impetum suum exferat. Cum autem è contra in corporibus raris pauciores sint partes illa constituentes, &, siquidem in amplis eorum poris insignis materiæ cœlestis aut aëris copia continetur, vis resistens adlit, in hæc agit minore impetu, uti modo allegatum ex Sturmio simile rem claram admodum reddit.

§. IV.

CÆterum cum probabiliter appareat ex dictis, pororum vel majorem vel minorem numerum, ad inæqualem in corporibus multum contribuere gravitatem; non solius tamen numeri, sed magnitudinis etiam habendam esse rationem, exinde patet, quoniam lignum pauciores quidem habet poros, quam aqua cujus pori sunt frequentissimi, ut colligitur inter alia ex fumo illam pervadente, atque ex solutione particularum salinarum copiosissima, propterea tamen non existit gravius, sed ob insignem eorum magnitudinem minorem obtinet gravitatem quam quidem aqua. Sic metalla quædam frequentibus plus minus quidem, sed angu-

angustissimis (si sint optimè purgata) prædita sunt poris; unde est quod gravissima sint corpora. Ita ut ex his inferre quis possit, aëris interni defectum, si quidpiam majorem gravitatem in corporibus præsertim terrestribus efficere; deficiente enim illo, exterius incumbens gravitatem suam & pressionem eò validius exercere, adeoque corpora deprimere potest.

§. V.

Um autem alia plane sit ratio fluidorum quam quidem solidorum, de iis etiam nonnihil hoc obiter saltem notandum. Solent scilicet liquores, quorum variæ observantur species, dividi in macros & pingues, prouti scil. nexus partium liquidi modò magis modò minus laxus est. Ad macros pertinet aqua, quæ, quod ex molecularum citæ vaporisatione non secus, atque ex earum facili penetratione in poros corporum quorundam, atque durissimorum quoque lignorum cognoscere possumus, liquor subtilis admodum est. Præter alias vero illius proprietates, observanda hic venit ejus gravitatio, cujus ut & reliquorum liquorum, alia quam solidorum in eo est ratio, quod horum cohærentes atque connexæ partes receptos ab æthere potissimum perpendiculares impulsus nonnisi perpendicularly descendere continuare valeant, illius vero particulæ solutæ ac liberæ eisdem quaquaversum exferant, atque adeò non perpendicularly tantum ad fundum, sed etiam ad latera & ubique æqualiter gravitent. Hoc etiam monere abs re non erit, quod aquæ gravitandi vis ex altitudine magis, quam ex mole dependeat & æstimanda sit, quod exinde patet, quoniam inferiores quævis particulæ præter impressum sibi immediate ab æthere impetum, de superincumbentium reliquarum recepto ab eodem principio motu participant, adeò ut in eas, quæ imum locum occupant, omnium superiorum impetus necessario redundet, & consequenter

earum vis tantò major sit, quantò major aquæ altitudo fuerit.

§. VI.

Hucusque itaque levi Minerva perpendi, in quonam solidorum pariter atque liquidorum gravitandi consistat, de natatu ergo corporum ut agam, ordinis ratio requirit. Natare autem videmus primò pisces, qui minus specie gravitant, quam aqua ejusdem molis, hinc demersi ut plurimum emergunt, quoniam vesicula aëre plena ipsis inest, quam prout vel comprimunt, vel dilatant, molem corporis imminuunt vel augent, adeoque & augent vel minuunt pondus pro ratione molis aut voluminis; atque sic ad imum aquæ descendere, aut a ejus superficiem enatare possunt. Natant insuper etiam animalia bruta animantia, quorum corpora itidem minus gravia specie sunt quam aqua, & hinc levi pedum agitatione per aquam facile incedere valent. Natant præterea quidam homines qui artificio potissimum & industria, certo quodam modo centro gravitatis corporum suorum transportato absque submersione aquæ liberè innatant. De horum autem corporum natatu organico hic nobis sermo non est.

§. VII.

Simplex videlicet tantum, naturalis atque ordinarius illi, quem ligna similiaque corpora liquoribus præsertim aquæ innatantia obtinent, qualisque è contra aliis corporibus, lapidibus v. g. metallis, denegatur, hic explicandus venit. Ex dictis autem facile quis concludere potest, quod corpora respectivè leviora à corporibus gravioribus in aqua natant, nisi quid obstat, expellantur, quodque per consuetudinem etiam requiratur, ut corpus natandi virtute præditum

m, si in aquam lapsum ejus superficiei innatare debeat, quâ illâ, cui supernatat, levius existat. Equidem non ignoro ex Dn. Bayle dari exemplum, quod, si corpus dum in aquam fueritmersum, neque subsideat illud, neque emergat, sed in quovis loco in aqua constituatur, seu a fundo seu in medio, seu prope summam ejus superficiem, ibi consistat. Verum quum observemus dari ejusmodi corpora, quæ ob constitutionem particularum, porum & in his contenti aeris ætherisque, liquoribus leviora longe existant, illa corpora liquores non solum non vident, sed potius ab aqua v. g. sustentabuntur, quo minus mergantur, & in eandem violenter detrusa, vi derimente remota, ad superficiem rursus expellentur. Quoniam enim in ejusmodi corpore natante aeris præsertim laud parum continetur, hic aëri exteriori prementi resistet, quo minus vim suam exercere queat, unde cum nulla causa columnas aqueas, quippe etiam quam maximè resistentes & incompressibiles, vincens adsit, supernatare ejusmodi corpora coguntur. Quum vero ejusmodi aëre repletum corpus in aquam detrusum, quia ob aërem internum longe levius, quam ipsa aqua existit, adeoque non a seo resistere potest, hinc columnæ aqueæ & sua propria & aeris incumbentis pondere deorsum pressæ, & ob fundum ulteriorem descensum denegantem, lateraliter quoque agentes in corpus immissum, illud attollent, donec ad summum enataverit. Comprobat hunc corporum natatum experientia in ligno præprimis, & illustrat vesica aëre nunc omnimodo vacua, adeoque descendens, nunc plena hincque vel supernatans, vel in aquam detrusa facillime emergens.

§. VIII.

QUando autem corpus in aquam vel etiam alium liquoremmersum specifico suo pondere illam superat, veluti lapides, ferrum & similia metalla, quippe quorum

pondus longe majus est pondere aquæ, statim ad fundum aquæ descendet; ac proinde licet tum solidum tum aqua contranitantur invicem vi gravitatis ad descensum, solidum tamen nihilominus, quippe cujus major est gravitas vincet, & ad aquæ fundum submergetur: detrusum nimirum à proprio partim uti ait D. Zwingerus *Phys. Elect. Experim. part. spec. cap. VII. §. 28. p. 148.* partim & incumbentis atmosphæræ pondere, ubi moles metalli cum subjecta columna aquea & superincumbente columna aeris plus ponderat, quam æqualis moles & columna vicinæ aquæ cum superimposito pondere columnæ æqualis atmosphæræ. Quumque deinde immersum jam est aquæ, ipsius aquæ superincumbentis pondus etiam descensum promovebit.

§. IX.

CUM ex allatis hæcenus pateat, quæ corpora naturâ apta sunt, ut natare queant, liceat ulteriori scrutinio investigare, qua ratione corpora per sese inepta, apta ad natandum reddi queant. Quod fit primo per extensionem, quando nimirum corpora exacte plana redduntur, quorum tamen crassities non nimia sit oportet, e. gr. si cuprum, ferrum, chalybs aut simile quid reddatur ex æsse planum & crassities non sit nimia, deprehendes illud non pessum ire, sed à subjecta aqua quasi subfulciri ut eidem liberè possit supernatare. Deinde fieri idem videmus, ob variæ figuræ introductionem, quando videlicet corpora ita efformantur, ut magnam habeant cavitatem, ratione cujus impleant spatium, quod occupari possit ab aquæ mole, quæ gravior sit illo corpore, quandoquidem demersis corporibus renititur aquæ moles ipsis æqualis. Sic quotidiana experientia teste, naves aquis innatant, & extra emergunt ex parte, licet iis consent corporibus, quæ seorsim multo magis gravitant quam æqualis aquæ moles. Facit quoque huc Campana urinatoria, quæ licet sit ponderosissima, mer-

gi tamen se non patitur ob insignem intra se conclusi aë-
ris copiam, donec inferius appenditur scabellum itidem ex
plumbo vel alio corpore graviori confectum, adeoque
gravissimum, sicque aqueas columnas loco cedere cogens.

§. X.

EGregium quoque natantis libereque sine ullo alio su-
stentaculo in aqua penduli ponderis metallici experi-
mentum & ipsa re exhibet, & ad suas causas reducit Ce-
leberr. Sturmii Colleg. Curios. tentam. IV. p. m. 23. Pri-
mo parari fecit industrii opificis manu capsulam orichal-
ceam cum operculo seu embolo, adeo quidem exactè ejus
cavitatem complente, ut nihil aquæ inter commissuras ad-
mitteretur, & facillimè tamen inversa capsula elaberetur,
proprii ponderis impulsu. Dein aliigavit embolum ad
unculum quendam ex ejus centro prominentem, filo per
capsulæ cavum in medio pedunculum, & huic extrinsecus
agglutinatum tubulum vitreum, emissio, quo mediante,
& in altera extremitate apprehenso, embolus intra capsu-
lam attrahi, rursusque lapsui suo aut descensui permitti
pro lubitu posset. Attractio itaque embolo, & sic tota
machina intra tubum ampliorem aqua plenum, immissa
ad aliquam profunditatem e. g. octo digitorum; laxato fi-
lo, non amplius elapsus est embolus (ut aliàs in aëre
solebat) sed supra aquam se inferiorem natabat, nulla jam
vi desuper ipsum detinente sustentatus: quin ubi profun-
dius immersus esset ad 24. circiter digitos appensum etiam
ipsi gravius pondus plumbeum, citra lapsus periculum
sustinuit, etiamsi huc isthuc intra aquam circumductus.
Attracta autem sensim tota machinula, sed laxato tamen
etiamnum filo, ubi parum aquæ supra se habebat capsu-
la, statim elapsus est embolus, isteque lapsus profundius
intra aquam contingebat adjuncto pondere plumbeo, quam
remoto hoc, & emboli solius pondere urgente. Causa
autem hujus experimenti manifesta est exinde, quoniam

cylindrus aqueus & aëreus superior embolum aliàs depres-
surus, mediante tubulo super aquæ superficiem eminente ar-
cetur, & artificiose removetur, adeò, ut embolus ille neu-
tiquam descendere queat, sed ab aqua inferiore sustenta-
tus, eidem possit innatare.

§. XI.

QUOD autem artificio quodam corporum ambientium
gravitate remota accidit, idem etiam contingere ob-
vium est, quando corpori in aquam merso, sublato fluidi
motu, subjecta aqua renititur, tunc enim corpus etsi rema-
neat tota ambientium corporum gravitas, ad fundum
fluidi nunquam præcipitabitur, quin imò æquè facile in
aqua ac in corpore solido, siquidem illa solida quasi red-
ditur, quiescet, ac in suffulcientis aquæ superficie hære-
bit. Cum itaque satis superque pateat, qua ratione cor-
pora ponderosissima licet, atque adeo per sese inepta ad
natandum, artificio humano apta, ut natare queant, red-
dantur, quod experimenta, præter adducta, plura alia satis
comprobant, extra præfixos instituti mei limites foret, si
tractationi huic amplius inhærerem. Itaque de ferro pau-
cissima quædam annotare ordinis ratio requirit.

§. XII.

FERRUM consideraturus, neque ad ejus qualitatem, qua
ad magnetem propellitur, quaque virtutem magneti-
cam recipiendo, ad alterum terræ polum converti potest, ne-
que ad ejus vires Medicas respicio, sed potius ejusdem na-
turam metallicam lustro. Metallum autem esse, nemo
negare poterit, qui illud fusile esse malleoque ductile vel
semel perspexerit. Præterquam autem, quod omnium
metallorum sit durissimum, insuper quoque ob meatus
angustiores, aëris nihil continentes sat grave existit, adeo-
que tale corpus quod per se nullo modo ab aqua sustentari
queat,

queat, quippe, quum nullam in se contineat vim aëri præsertim athmosphærico resistantem, hic ingenti sua vi premente, ferrum cui incumbit, tam fortiter premit, ut gravius factum columnis aqueis, has loco cedere faciat, sicque ad fundum prolabatur. Quæ autem de ferro dicuntur, ad chalybem, ex quo quoad partem securim quoque illam, de qua sermo, constitisse credibile est, facile applicari possunt, quum chalybs sit ferri progenies, aut potius ferrum candefactum, subitoque in frigida aqua extinctum, aut cum carbonibus, cornubus & ungulis animalium ardentissimo igne excoctum, sicque durius, rigidius atque fragilius redditum.

§. XIII.

Quibus sic præmissis, ut miraculum ferri natantis accuratius nonnihil consideremus, superest. Ante omnia autem ventilanda venit hæc quæstio: num videlicet revera miraculum aliquod subsuerit, ut securis illa in aquam lapsa, eidem supernataverit, & annon potius naturalis, ferri illius natantis extiterit causa? Equidem vel hodie non deesse ejusmodi Scepticos, qui Scripturæ S. miracula si non omnia, plurima tamen, quantum in ipsis est, evertere conantur, non ignoro. Inter quos facile eminet Benedictus Spinosæ, celeberrimus ille impiæ istius sententiæ de Deo ab hoc universo non distincto, restaurator & propagator, qui in tractatu Theologico-Politico *averticus* edito, miraculorum fidem dubiam non reddit tantum, sed plane negat. Cum vero non defuerunt Viri satis eruditi, qui rationibus atque argumentis haud sane frigidis, quam infirmo ejus sententia nitatur talo, satis sufficienterque demonstraverunt; ne actum egisse videar, B. L. ad Henricum Morum, atque Franciscum Cuperum in arcanis Atheismi revelatis, remissum velim. Inprimis vero huc conferri meretur Regnerus à Mansfelt, qui in libro singulari, adversus Anonymum Theologico-Politicum conscrip-
pto,

pto, inter alia ejus sententiam de miraculis cap. XI. ex-
 professo & solidissimè refutavit, ita ut ulli dubio vix lo-
 cus concedatur. Cum autem non facile quis, mente sal-
 tem bene compos, eò cum modo citato Spinoza delaba-
 tur insanix, ut miracula dari plane inficietur, omniaque
 Scripturæ S. exempla, ad leges naturales, si non ubique
 obvias, saltem insolitas referre audeat, reperiuntur tamen
 haud pauci, qui miraculorum constringere numerum o-
 mni conatu allaborant. Inter quos primas tenet Autor
 anonymus *der außerlesenen Anmerkungen / über als-
 serhand wichtige Materien und Schriften* / in quo
 tractatu plurimorum miraculorum Biblicorum veritas im-
 pugnatur. Qui tamen solidissimè pariter, atque eruditis-
 simè à Dn. Joh. Joachimo Weidnero Ph. & SS. Theol.
 D. Rostoch. in dissertatione aliqua de miraculo murorum
 Hierichuntis cadentium, quam contra eundem ex professo
 conscripsit, refutatus est: Ad quem itidem B. L. remit-
 to.

§. XIV.

Quemadmodum vero aliorum S. Scripturæ miraculorum
 fides à nonnullis infringitur, ita & nostræ de ferro
 miraculosè natante sententiæ quædam posse objici, video.
 Itaque eadem anticipare atque diluere operam dabo. Di-
 ctum est supra §. IX. corpora per sese inepta ad natandum
 apta fieri I. per extensionem, quando nimirum corpora
 exacte redduntur plana: hinc forsan dubium alicui oriri
 posset, securim illam ita fuisse formatam, ut planitiem
 obtinuerit, atque propterea ad fundum deprimi minimè
 potuerit, sed aquæ moli contranitens superficiei ejus in-
 nataverit. Verum in promptu est responsio: bene enim
 observandum est, quod diximus supra, crassitiem nimirum
 non debere esse nimiam; nunc vero, quis unquam sibi
 conceperit securim exactè planam atque tenuem, & qui-
 dem talem, qua caduntur ligna in sylvis, in quem usum
 illa,

la, de qua nobis sermo est, vertebatur ? imò nec plana, nec ubique æqualiter tenuis potest esse securis, quoniam in altera extremitate, ut exacuta sit, oportet, in altera vero, quippe cui inferitur manubrium, necessario crassior, si quidem debito admoventi debet usui.

§ XV.

PRæ reliquis vero haud levem dubitandi ansam offert, illud Acicularum chalybearum experimentum, quod admirationis non parum habet. Illæ enim, si, postquam bene tersæ fuerint & exsiccatæ, aquæ horizontaliter imponantur, non merguntur, sed enatant, ut videantur in ea, quam in aquæ superficie suo pondere aquam deprimendo efficiunt, cavitatem, velut navicula sustentari, & hinc illic levissimo flatu devehiri. Quem effectum aliqui in visciditatem aquæ, quæ divisioni plurimum resistit, nec patitur acum ad aquæ interiora penetrare, referunt. Alii autem cum Celeberr. Bayle Instit. phys. pag. m. 224. hujus phænomeni hanc assignant causam. Cum chalybs & aqua ita discrepent secundum pororum structuram & situm, ut materia æthereæ nequeat facile vicissim ex poris unius in poros alterius transire, necesse est, ut se mutuo repellant, & ut acus chalybea aquæ superficiem imposita materiæ æthereæ effluxu in ea excavet foveam, ex cujus amplitudine, quæ partim aëre partim materia æthereæ impletur cum acu chalybea constituitur moles, quæ levior est pari aquæ mole, quæ consequenter debet enatare, & in aquæ superficie sustentari. Dubium itaque movere ex illa pororum aquæ & chalybis differentia, atque exinde concludere ac argumentari quis posset ad securim ab aqua Jordanis sustentatam. Sed, qui molem securis cum acum, quæ tenuissimæ debent esse atque minimæ comparaverit mole, facile ejusmodi objectionem diluet.

C

§ XVI.

§. XVI.

NEquè hic allegari potest, quod sub magna obliquitate & acuto valde angulo in aquæ superficiem projectos lapides præsertim complanatos inde aliquot etiam vicibus reflecti & resultare constet; quod etiam globos plumbeos & metallicos non parvulos tantum, sed ponderosiores & tormentarios, ita in aquæ superficiem fere horizontaliter explosos, aliquoties inde quasi saltabundos resiliisse observatum fuerit. Nam de ejusmodi obliquo securis in Jordanem illapsu Sacræ Literæ tacent, & ipsa Viri Dei, quocecidit? quærentis verba patefaciunt, ferrum non in ipsa aquæ superficie hæsisse, sed ad fundum fuisse præcipitatum: quod si enim supernataisset, pertica mediante facile potuisset extrahi. Nec porro huc quadrant ova in aquis dulcibus submersa, falsis vero adeoque rigidioribus columnis constantibus innatantia. Longe enim alia est ovorum, aërem quoque in se continentium, quam ferri constitutio, insuperque nulla unquam aqua per immixtas salis particulas tam rigida potuit reddi, ut sustinendis metallis par esset; ne dicam de eo, quod aquam Jordanicam falsedine imbutam fuisse, demonstrandum restet. Porro quoque ad argentum vivum, aliam plane constitutionem quam aqua obtinens, metallaque omnia præter aurum sustinens, provocari non potest. Licet enim hac ratione ferrum ex causis naturalibus liquori, si scilicet per liquorem nihil quam modo memorata juxta Chimicos aqua non madefaciens manus intelligatur, innatare ostendi queat, non tamen exinde valet ad aquam, cujus partes non adeò angustis interrumpuntur intervallis, consequentia. Tandem nec illud considerationem meretur, quando quis vellet asserere, ipsum manubrium securis una cum ferro, eidem scilicet adhuc infixum, in Jordanem prolapsum, adeoque ferrum ab eodem manubrio sustentatum fuisse, quo minus ad fundum potuerit descendere, hincque per projectum à
Prophe.

Propheta in aquam lignum, ~~quo facto~~ hoc in medio circiter aquæ hærens, impulsu recepto, rursus emerferit, ferrumque secum in superficiem evexerit. Sed certe, sicuti experientia satis comprobat, tam ingens frustum ferri ab ejusmodi frusto ligneo, quale solet esse manubrium, non posse sustineri, quin potius hoc ipsum cum ferro ad fundum delabatur; ita certè non potest asseri, eam in ligno præsertim cui ferrum combinatum, submerso militare rationem, quæ allegari solet in corporibus animantium per aliquod tempus submersis hinc levissimo contactu in altum expulsis.

§. XVII.

Sed satis objectionum. Ego certè, qui istam miraculi definitionem, qua per miraculum physicè intelligitur insolita quædam operatio in rebus creatis sub præsentî naturæ statu sese exserens, talemque effectum produciens, cujus ratio per leges naturæ ordinarias explicari nullo modo potest, sed potius iis salvis stantibus prorsus repugnat, adeoque has aliquandiu necessariò suspensas exigit, amplectens, non possum in ferro securis primum ad fundum Jordanis præcipitato, hinc post immissum à Propheta lignum aquæ innatante, aliam quam miraculosam agnoscere causam, sive enim quis introductam vel ferro levitatem, vel aquæ duritiem, vel ablatam aëri atmosphærico ætherique vim prementem; sive aliam causam alleget, semper tamen ubivis leges naturæ ordinarias æque ac in Petro mari vi verborum Salvatoris efficacissima inambulante, ubivis suspensas fuisse deprehendet; Jam autem ejusmodi suspensionem nemo efficere potest, quam idem is, qui rebus creatis illum ordinem illasque conditiones, juxta quas omnes in hoc mundo effectus naturales contingunt, constituit. Cum itaque hic summa & potentissima divinæ Majestatis voluntate opus fuerit, non video, cur in dubium vocare quis velit, quod Supremum Numen, ab

omni necessitate externa, uti recte loquitur Müllerus in dissert. de Miraculis, quam maximè immunis ac independens, adeoque omnia non libere minus quam sapienter moderans, eadem libertate, qua leges naturæ præscripsit, easdem pro infinita sua sapientia abolere, vel saltem aliquandiu suspendere, aliasque imò contrarias, infinitæ suæ majestatis virtute, in earum locum surrogare possit, præsertim, quum ex parte Dei non major potentia ad legum istarum suspensionem, quam ad primam earundem constitutionem requiratur.

§. XVIII.

MAnet itaque firmum, ferrum non ex causis naturalibus supernataſſe sed quod credibile est, ad preces Prophetæ à Deo factum fuisse, ut corpus gravius leviori atque fluido, quod alias facile transit, inhæreret mirabiliter. Habeo consentientem consummatissimum & nunquam satis laudandum Sebastianum Schmidium hoc miraculum Judæorum nugas explodendo, elegantissimè exponentem, cujus verbis in annot. in Libr. Reg. contentis, dissertationi quoque huic finem imponam. Ita autem loquitur beatus Vir Quale fuit hoc miraculum? Judæi nugantur, in hoc constitisse miraculum, quod Elisa abscissum lignum & acuminatum ita in aquam projecit, ut ingressum sit in foramen ejus, moxque sublatum securim secum extraxerit. Quarum nugarum causa hæc est, quia nec miraculum, si aliquod lignum submergatur, cum ejusmodi lignorum genera dentur; nec si aliquod ferrum natet. Vid. D. Kimch. & R. Levi. Qui adducit regulam Vett. Rabb. Deum uti natura, quamdiu potest: jam si lignum & ferrum conjungantur in ea proportionem, ut ligni levitas superet ferri pondus, ferrum natare posse. Sed rectè dicitur, quod miraculum sit in eo, dum ferrum natavit, quod submersum fuerat. Nam si utique alias per naturam fieri possit, ut ferrum natet, hoc tamen submer-

mersum fuisse certum est, nec potuisse naturaliter extrahi. Regula Judæorum de miraculis libertatem Dei audacius, quam decet, restringit. Utitur potius Deus natura, quando vult. Sed II. quare abscidit lignum? quare non sumpsit manubrium securis, ex quo ferrum excisum est? Ita quærit Dav. Kimch. & Resp. Deum in miraculis solere uti rebus novis. Ita Elisa cap. 2. libr. post: Reg. usus est nova paropside. Et sane solet hoc frequenter facere: liberrimè tamen. III. Projecitne Elisa lignum ad fundum fluvii? Resp. Ita Judæi: sed Scriptura satis clara est, quod projecit in locum monstratum, qui erat superficies. Ad miraculum itaque hoc est usus ligno Propheta, ut lignum ferrum attraheret. Atque hoc est, quod dicitur; Et projecit eò lignum sc. & lignum fecit natare ferrum. Ita namque malumus, quam cum R. Sal. neutrum facere aut dicere cum D. Kimch. Et Propheta natare fecit. Quanquam utrumque etiam verum est: nisi quod Scriptura medium indicat potius, per quod Propheta fecit. Est itaque duplex miraculum. I. quod ferrum natavit. 2. quod id factum per medium ineptum. Lignum enim ferrum attrahere nullo modo potest. IV. Quin & novum miraculum accessit, quod lignum cum ferro ad ripam adnatavit, non autem secundo flumine vectum est. Colligitur hoc ex eo, quod Propheta dixit; tolle illud. q. d. En! tam prope adnatavit, ut jam tollere possis: tolle igitur. Et vir recipit manu sua.

T A N T U M.

Mein Freund / man höret Dich von
 Wundern disputiren/
 Wie man O Wunder=Sach! das Eisen
 schwimmend sieht.
 Du wilt ein Wunder selbst auch heute an
 Dir führen/
 Das wider die Natur / der Fens im
 Winter blüht.
 Ich wünsche / dieser Fens/ den wir heut
 grünend sehen/
 Mög wie anjes/ auch sonst/ in reicher Blü-
 the stehen.

Dieses wenige wolte dem Herrn Defendenten
aus wohlmeinender Affection beysetzen

Gust. Frid. Beer, Saarpont.
Th. Stud. Opponens.

QUam sis scrutatus mores penitosque recessus
 Naturæ, scriptum comprobat hocce Tuum.
 Pergito porro Tuis studiis sic, atque sequetur
 Sudores multos messis opima Tuos.

Hæc Tibi apposuit in testimonium
amicitiæ Tuus integerrimus.

Georg. Frid. Scheid, Pfedelbac
Phil. Stud. & Opponens.

Natan

*N*atantis ferri referens miraculum,
amice,

Jungis duo miracula.

*Nam juvenis charta senibus dignissima
mandas.*

Hoc pariter est miraculum.

Pereximio Domino Respondenti

Φιλίας evocat

apposuit

Joh. Balthasar Ziegler / Th. St.

*T*E disceptantem de Ferro, CHARE!

Natante

*Multa legisse probas, atque probabis,
ubi*

*Ob Sophiæ studium titulo fertoque
Magistri*

Post aliquot menses condecoratus eris.

Hæc paucula in signum sinceræ

*Amicitia Dn. Auctori appo-
nere voluit & debuit.*

Joh. Conradus Christen.

Phil. Stud.

INdefessa Tui studii solertia quæ sit,
Ingeniique Tui, detegit hoc specimen,
Auxilium cœleste Tibi precor inde, Sodalis!
Ut Tibi fausta cadant omnia, quæque facis.

Hæcce Amicorum optimo & cha-
rissimo in amicitia non fucata
pignus apponere.

voluit, debuit

Joh. Frid. Schaz, Arg. Ph. St.

NOn opus est addam laudes charissime amice,
Artis quemque labor prædicat artificem.
Gratulor his cœptis! capiat mea vota Jehova!
Et captis clemens pondus inesse sinat.

Pauca hæc

Amico suo indelebili amore prosequendo
apposuit gratulabundus

Joh. Michaël Kætznel, Dorlish.
Phil. Stud.

F I N I S.

